

## **Meeqqat illersorneqarnissaannik nunat tamat Haagimi isumaqatigiissutaat pillugu inatsisip Kalaallit Nunaanni atuutilersinneqarnissaannik peqqussut**

UAGUT MARGRETHE AAPPAAT, Guutip saammaanneragut Danmarkip Dronningia, nalunaarpugut:

Meeqqat illersorneqarnissaannik nunat tamat Haagimi isumaqatigiissutaat pillugu inatsimmi nr. 434, 8. maj 2006-imeersumi § 16, imm. 2,<sup>1</sup> naapertorlugu aalajangiunneqarpoq inatsit imatut oqaasertaqartillugu Kalaallit Nunaanni atuutilersinneqassasoq:

**§ 1.** Angajoqqaat akisussaassuseqarnerannut meeqqallu illersorneqarnissaannut suliniutinut (meeqqat illersorneqarnissaat pillugu nunat tamat Haagimi isumaqatigiissutaannut) tunngatillugu pisinnaasat, inatsisinik toqqaasarnerit, akuersisarneq, naammassinnittarneq suleqatigiinnerlu pillugit nunat tamat Haagimi isumaqatigiissutaanni 19. oktober 1996-imeersumi aalajangersakkat Kalaallit Nunaanni atuupput.

*Imm. 2.* Nunat tamat isumaqatigiissutaata qallunaatuunngortinneqarnera inatsimmut ilanngussatut ilanngunneqarpoq.

*Imm. 3.* Nunat tamat isumaqatigiissutaanni aalajangersakkat atuutsinneqassanngillat malittarisassat immikkut ittut inatsisini allani aalajangersarneqarsimatillugit.

*Imm. 4.* Nunat tamat isumaqatigiissutaanni aalajangersakkat Kalaallit Nunaata Savalimmiullu aamma Kalaallit Nunaata Danmarkillu akornanni pissutsinut atuutsinneqassanngillat.

*Stk. 5.* Nunat tamat isumaqatigiissutaanni allannguutit pillugit isumaqatigiissutini peqqussut tamakkiisumik ilaannaasumilluunniit atuutsinneqassasoq isumaginninnermut nunamullu nammineemut ministerip aalajangersinnaavaa.

### *Qitiusumik oqartussat*

**§ 2.** Isumaginninnermut nunamullu namminermut ministeri qitiusumik oqartussaasussanik toqqaassaaq, tak. nunat tamat isumaqatigiissutaanni aalajangersagaq 29 aamma qitiusumik oqartussat suliaasaat malittarisassiuussinnaallugit kiisalu tamatumunnga naalakkersuisoq ministeriluunniit oqaloqatigereerlugit taassuma suliaasaasa ilaat oqartussanut allanut tunniussinnaallugit.

### *Nunat tamat isumaqatigiissutaat malillugu eqqartuussiviit sulianik suliarinnittarnerat*

**§ 3.** Aalajangiineq tunngavigalugu nunat tamat isumaqatigiissutaanni aalajangersagaq 8 aamma 9 malillugit pisinnaasat allamut nuunneqarnissaannik eqqartuussiviup aalajangiussinera aalajangiunneqassaaq. Kalaallit Nunaanni eqqartuussisarneq pillugu inatsimmi kapitali 43-mi malittarisassat malillugit aalajangiineq suliassanngorteqqinneqarsinnaavoq.

---

<sup>1</sup> Aalajangersagaq imatut oqaasertaqarpoq: ”Inatsimmi §§ 1-8, 13 aamma 14 kunngip peqqussutaatigut Savalimmiuni Kalaallillu Nunaanni pissutsit immikkut ittut allaassutigititaat allaassutigitillugit Savalammiumi Kalaallillu Nunaanni tamakkiisumik ilaannarmilluunniit atuutilersinneqarsinnaapput.”

§ 4. Suliniutip akuersaarneqarnissaa akuersaarneqannginnissaaluunniit pillugu nunat tamat isumaqatigiissutaanni aalajangersagaq 24 malillugu qinnuteqaatit Kalaallit Nunaanni Eqqartuussivimmuut tunniunneqassappu. Meeraq imaluunniit meeraq sinnerlugu akuerisaasoq akuerisaanngitsorluunniit (suliami pineqartoq) imaluunniit akuerineqarnissamik akuerineqannginnissamilluunniit qinnuteqaateqartoq (suliarinneqqusisoq), Kalaallit Nunaanni eqqartuussivinni suliarineqarsinnaanngippat, qinnuteqaat Danmarkimi oqartussaaitanuu tunniunneqassaaq.

§ 5. Suliniut nunami maani pinngitsaaliissummik suliarineqarsinnaasutu nalunaarutigineqarnissaanik nunat tamat isumaqatigiissutaanni aalajangersagaq 26 malillugu qinnuteqaatit Kalaallit Nunaanni Eqqartuussivimmuut tunniunneqassappu, meeraq Kalaallit Nunaanni najugaqarpat imaluunniit Kalaallit Nunaanni pinngitsaaliissummik naammassinnittoqassappat.

*Imm. 2.* Kalaallit Nunaanni Eqqartuussivik isumaqarpat suliami pineqartoq imaluunniit suliarinneqqusisoq inatsisilerinikkut ikiorteqartinnagu suliaq isumannaatsumik suliarineqarsinnaanngitsoq, eqqartuussivik pineqartunuu inatsisilerituumik ikiorteqartitsisinnaavoq. Kalaallit Nunaanni eqqartuussisarneq pillugu inatsimmi § 254, imm. 1, nr. 3, tak. imm. 3-mi piumasagaatit illuatungiusup naammassisinnaanngippagit, inatsisilerituumik ikiorteqartitsinermu aningaasartuutit eqqartuussiviup illuatungiusumu naalagaaffiup karsianuu taarsiissutigeqqusinnaavai. Taamatuttaaq Kalaallit Nunaanni angajoqqaatu oqartussaassuseq pillugu aalajangiinerit il.il. (nunani tamalaani meeqqanik aallarussisarnerit) nunani tamalaani naammassinnittarneq pillugu inatsimmi § 18 a malinneqassaaq.

*Imm. 3.* Imm. 1 malillugu suliniutit pinngitsaaliissummik suliarineqarsinnaasutu nalunaarutigineqartuu naammassineqarnissannik suliat, Kalaallit Nunaanni eqqartuussisarneq pillugu inatsimmi kapitali 46-47 malillugu suliarineqassappu.

§ 6. § 4 imaluunniit § 5 malillugu qinnuteqaat allagaassaaq suliniutillu qinnutigineqartuu allangortinneqarneranik ilaqartinneqassalluni. Allaganngortitap kalaallisut qallunaatulluunniit nutserneqarnera uppernarsagaassasoq Kalaallit Nunaanni Eqqartuussiviup piumasarisinnaavaa.

*Imm. 2.* (Kalaallit Nunaanni atuutilersinneqassanngilaq).

*Imm. 3.* Qinnutigineqartuu akuersaarneqarsinnaanera tunngavilersorlugu Kalaallit Nunaanni Eqqartuussiviup aalajangiutissavaa. Aalajangigaq Kalaallit Nunaanni eqqartuussisarneq pillugu inatsimmi kapitali 43-mi malittarisassat malillugit suliaassanngorteqqinneqarsinnaavoq.

#### *Atuutilersitsineq*

§ 7. Peqqussu atuutilersinneqarpoq ulloq 1. juli 2016.

§ 8. Meeqqat illersorneqarnissaat pillugu nunat tamat Haagimi isumaqatigiissutaat pillugu inatsit naapertorlugu inatsisiliat Kalaallit Nunaanni atuutinneqanngillat.

*Christiansborg Slotimi tunniunneqarpoq ulloq 6. juni 2016*

Kunngisut Atsiorpugut Naqissusiillutalu

MARGRETHE R.

/ Karen Ellemann